



Centro Nacional Chega!.I.P

Da Memória à Esperança



KOMUNIKADU IMPRENSA

Centro Chega!.I.P Organiza Atividade Festival Literasia Iha Antigo Comarca Balide.

(Díli, 21 Maiu 2026) - Centro Nacional Chega!.I.P organiza atividade Festival Literasia ho tema “Preserva Memória, Estimula Kultura Lee no Promove Kreatividade Produtiva”, ne’ebé realiza durante loron 3 hahu iha loron (21-23), iha Antigo Comarca Balide.

Objetivu husi atividade Festival Literasia ne’e mak atu promove no fortalese literasia liu husi atividade edukativu sira ne’ebé halo ema iha interese atu le’e, hakerek no halo kreatividade ba memória pasadu ne’ebé asesivel ba ema hotu.

Objetivu seluk mak atu hasa’e koñesimentu ema nian ba memória pasadu. Habelar no motiva ábitu le’e ba timoroan (labarik, joven no ema bo’ot). Atu valoriza eskritór timoroan ne’ebé hakerek ona memória pasadu. Dezenvolve kapasidade le’e, hakerek no ko’alia ho di’ak. Promove biblioteka no espasu le’e seluk hanesan sentru aprendizajen. Hasa’e konsiênsia kona-ba kultura no istória Timor-Leste. Inspira joventude no akademiku sira atu sai eskritór iha futuro inklui promove le’e no literatura ba foinsa’e sira.

Festival Literasia ne’e hala’o hodi fo énfaze ba Memória Pasadu mak iniciativa estratéjika ida ne’ebé uza leitura. diskusaun no espozisaun kultural atu promove kompriensaun istória, Direitus Umanus no identidade kolektiva. Alende ne’e, Festival Literasia mos atu komemora loron mundial literasia nian.

Festival Literasia ho atividade sira hanesan tuir mai ne’e, Diskusaun Tematiku, Diskusaun Livru, Workshop, Live Painting, Arte ba labarik, Konta ai-knanoik, Deklamasaun Poezia, Feira do livru no Chega! Tour!.

Oportunidade hanesan, Centro Chega!.I.P mos hala’o atividade Night Market “Espaço de Convívio” ho objetivu mak nu’udar espasu seguru no inkluzivu ba sobrevivente no foinsa’e sira hodi halo interasaun, fahe história no esperiênsia, no promove solidariedade através abordajen kriativas no ekonomia komunitária, ho intensaun no foku ba, proporsiona plataforma ba sobreviventes hodi expresa sira nia memória, no esperiênsia moris. Promove kreatividade produtivas sobrevivente no foinsa’e sira ba insentiva independênsia ekonómika através venda produktu no servisu sira. Sensibiliza foinsa’e kona-ba memória istoriku iha direitus umanus ho forma informal. Konstrui rede solidariedade entre sobrevivente ho foinsa’e sira, no mos hatutan diretamente foinsa’e sira ho kestaun justisa sosial.

Festival Literasia no atividade Night Market “Espaço de Convívio” sei anima husi artista lokal sira mak hanesan tuir mai ne’e, iha loron dahuluk anima husi artista sira mak hanesan, Izu, Lafaek Mutin, Cleopatra. Loron daruak mak hanesan, Malena, Inside The Pressure, KHABALLA,

LAFÁHEK COLORS. Loron datoluk mak hanesan, Mely Galaxy, Vircoustic, Manu Mata no Klamar.

Centro Chega! I.P. hala'o atividade hirak ne'e bazeia ba dekreto-Lei n° 48/2016, ho vizaun atu harii Sosiedade ida ne'ebé mak inklusivu, la repete istória pasadu nian, moris iha dame, no respeito dereitus umanus. Centro Chega! nia misaun mak atu harii Centru póz-konflitu ne'ebé prezerva memória pasadu nian hodi promove dereitu no valór umanu no harii parseria nasional no internasionál hodi reforsa rede servisu sira atu implementa rekomendasaun sira husi Relatório Final Comissão de Acolhimento, Verdade e Reconciliação (CAVR)- Chega! no Per Memoriam Ad Spem (PMAS) husi Comissão da Verdade e Amizade (CVA), sira ne'ebé relevante.

- Remata -

Ba informasaun liu tan kontaktu:

Raimundo Sarmento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabese ho dekreto Lei n°. 48/2016. Centro Chega! I.P nia vizaun mak: "Sosiedade ida ne'ebé inklusivu, la repete istória passadu nian, moris iha dame, no respeito ba dereitus umanu". Nia misaun mak: "Harii sentru Pós-konflitu ne'ebé prezerva memória pasadu nian hodi promove dereitus no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira husi Relatório Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memoriam Ad Spem*, sira ne'ebé relevante".

Obrigadu!